

安徽府縣志輯

中國地方志集成

同治六年刻本(一)

中國地方志集成

安徽府縣志輯 ⑱

同治六安州志(一)



江蘇古籍出版社 ● 上海書店 ● 巴蜀書社

中國地方志集成

安徽府縣志輯⑱⑲

出版發行 江蘇古籍出版社

社 址：南京市中央路一六五號

發行部電話：〇二五—三三三三四六二

郵 編：二二〇〇〇九

印 刷 上海市印刷七廠

定 價 四七一元

責任編輯 王華寶

封面設計 范一辛

美術編輯 姜 嵩

1998年4月第1版第1次印刷

ISBN 7—80519—975—2/K·454

續修六安州志序

歲庚午四月既望臣峻奉檄

代理六安直隸州事五月朔日接印視事首詢典吏索閱圖經闕然無以應也未幾李紳壽彰以抄本志

六安州志 卷首 序 一

書見示閱之乃嘉慶九年宋知州思楷所修者復云尚有道光四年吳訓導鳴鏞續修之本經兵燹難得全書夫二書皆著於承平之時盛世典章燦然賅備

而以今時證之所最不合者田畝賦稅其大端也其

他廢者待修闕者宜補更難枚舉夫援古準今稽考得失錄功褒善都為一編為有司者宜孜孜於是况

六安州志 卷首 序 二

重以大憲之功令而敢怠厥事耶粵自同治七年署理安徽撫院吳於十二月日奏請設局輯修安徽省志即奉

俞旨

旋於省垣設局檄飭所屬各修志書以進將資土壤以成高匯涓流而入海迨八年秋撫院英履任勤求治理嚴明黜陟而於修志一事尤為隆重時吳署院

六安州志

卷首

序

三

還皖藩本任與按察司裕首道王督辦總局乃與各屬修志者約期限別勸懲蓋激厲風化之思深而陶成俗吏之意至矣羣僚奉職闢冗草心峻於抵任後

載稽舊案見前任所委纂修採訪各有其人奉上行下之文連篇累牘而司事者採輯寥寥端緒未就峻繼其事以圖厥成乃易其規而暨其實推原所以然

六安州志

卷首

序

四

之故乃知才學識三長難備而秉筆之難其人也維時州學吳訓導康霖品學純粹為江左之名孝廉自同治二年到任佐前州何課士講學教澤綦深峻在

此任深獲其助都人士咸
悅服之爰延請為纂修以
總其成復虛心察訪得楊
外郎大樾陳教諭大章左
訓導輔卿鄧訓導爾保補
用直隸州江蘇候補知縣

六安州志

卷首

五

謝紳紹東翰林院孔目銜
附貢生徐紳原箴刑部司
獄許紳恩祥延為協修以
分其任復得同知銜候選
知縣李紳壽彰提舉銜江
蘇候補縣丞鮑紳翰廷坐

補涇縣訓導鮑紳開謙附
生楊鳳詔延為採訪以闡
其微適有富室監生董如
璧向義慕善首倡捐貲城
鄉樂輸繼之以為諸人膏
火之資兼儲鐫板之費經

六安州志

卷首


六

營數月文以類從雖年遠
事繁不敢謂無遺闕之憾
然賦稅紀其新章典禮循
其舊式武功載其偉績節
義發其幽光就今日之時
會成今日之志書差足繼

前徽備觀覽書將告竣峻
以代理期滿去官繼任者
李知州蔚於九年十二月
日接篆書局諸人疑有新
令橐筆以俟迨新任蒞局
核其本末進諸人而謂之

曰文已脫稿而期限已逾
使因更張而有廢擱咎將
誰歸諸子何事謙讓而不
速為聞者唯唯而退濡毫
視簡各事其事至十年四
月日而書成將以獻之省

局司事者屬峻敘其原委
乃省支辭祛華說即事而
直書之時
同治十年歲在辛未四月
上浣前代理六安州知州
王峻謹敘



新脩六安州志序

世稱唐虞五臣惟皋陶以刑官而不有天下祀亦勿延六蓼在春秋初即見并於楚今之六安蓋其故地是說也不知天尤不知聖虞廷總師之始禹所謙讓未遑者特惴惴於皋陶之降德稷契弗與焉益無論矣聖人之心本無所利於

六安州志

卷首

序

天下天之報施聖人初不以天下之有不有為厚薄論聖人者又豈必以天下之有不有為升降哉聖人進四海為一家即合萬世為苗裔其流風餘澤惟以振起後之人俾禋祧於罔替而不必自私其子孫而產其舊封者遂若援以自重慨然興遠宗遐紹之思馨香俎豆

如或見之則其所嚮慕者素也同治十

年春蔚承大府命權牧是邦蒞事之暇周歷山川延訪者舊因得悉其民風土俗敦本崇約蓋猶有上世遺意焉時大府檄脩州志甚急乃檢嘉慶九年長洲宋君思楷所脩州志三十二卷日與州人士旁摭博採稽文質獻析類而續纂

六安州志

卷首

序

二

之共得六十卷體惟從舊事務徵實不敢擴摭傳會侈為美觀蓋以志之為書將使生斯土者有所觀感官斯土者知所從事非苟焉揚厲而已也皋陶之謨曰慎厥身脩思永惇叙九族士庶之與帝王其分異其學同也曰在知人在安民州縣之與天下其勢殊其事一也誠

使是邦承學之士毅然以脩身惇族自勵而來牧者亦切切於知人安民之方則九德之彰度績之凝焜耀史冊直與聖謨相輝映何莫非是書導之先路也哉抑更有為州人士進者蔚權此甫二年而兩校羣士總其秀者文藻詞章斐然可誦而經世之學或疏思樂之五章

六安州志

卷首

序

五

曰矯矯虎臣在泮獻馘淑問如皋陶在泮獻囚古者寓武於文寄刑於教整軍戡亂折獄平訟之略皆於學校夙講焉者也頃者粵逆肇旣以來州之一二先達皆能仗義執言振旅興師削平寇亂為

天子陳臬齊楚聲績著中外而閭里膠序之

俊應運而起宜益勃興淬礪蚤夜切劘相與為有用之學一旦出其所藏煥為事業奮武以止戈致海內於刑措使天下共覩真儒之實效斯河山賴以增重而古聖陟降之靈亦樂歆其禋享庭堅之祀雖至今不絕可也蔚生長邊徽普學寡文幸履古聖之遺域故始終舉以

六安州志

卷首

序

四

為義而所期於州人士者獨厚且奢若夫作志之法先民論之綦詳今所續者其大綱具於例言茲不概論同治十一年秋七月六安州知州武威李蔚序



六安州志序

霖承乏司訓十載於茲矣憶始入境時
土地荒蕪廬井蕩然有不堪寓目者入
其城則公署壇廟塵市民居鞠為茂草
其僅有存者不過十之一竊歎庭堅之
封壤垂祀於千百餘年者胡凌夷一至

六安州志

卷首

序

一

此既從前任知州何借觀州乘考山川攬
風俗人物秀發產植豐饒而知文獻可
徵老成之典型猶有存焉者矣越明年
剪寇賊奠東南禁暴戢兵武功救定
天下復覩太平逾年戊辰奉
署理安徽撫院吳領示通志程式檄令

各郡縣遵照體例彙稿申送以資採

擇洵經世之大端濟時之急務也時
知州劉適以解職去草創未就代理
知州王來繼厥志疊奉檄催志稿懼不
克依限以貽隕越羞爰委霖以主修任
而遴是邦之淹雅能文者任分纂相

六安州志

卷首

序

二

與審義例核名實而論定之霖不佞謹
司其事不敢辭然猶慮無以剋期稱
職也適知州王瓜期秩滿繼任知州李來
牧此邦稟請大府得展限焉夫志與
史異史則美惡兼綜志則專揚衆美
昔江文通謂修史之難無出於志惟陳

壽稱善敘迷李延壽稱悉舊事而志
獨略焉蓋繁則冗簡則漏溢美則虛
徇情則私以是知修志之難也按古志
重修於道光甲申迄今距四十年矣
前者六城失守一時人士發忠憤舉
義旗斬竿削木聚練櫻城出萬死

六安州志

卷首

序

三

不願一生之計冒白刃爭死敵以徇國
家之難者不知凡幾尤可憫者烈女
殉節貞婦捐軀其厄於歲殺於寇
而舍生取義不取聞知者又不知凡幾
今其人雖死其鬼尚靈為是志者忍
使忠魂義魄中悃完人與塵埃野馬

同沒於荒煙蔓草中而湮滅不傳
耶爰慄，於是視舊志特加詳焉若
夫仲丁釋菜禮節燦然祭品舞樂
度數昭然舊志頗多缺略因謹遵
大清會典繪圖增入以存典禮之大至
若儒林文苑義行孝友宦績諸門凡

六安州志

卷首

序

四

鄉先達之德言功烈得之見、聞、者
故老猶能言之南幽先紀實行善、
從長實此邦士君子編校之力也他若
藝文之志則仿班馬史及歷史之例
分四部以載之然搜求遺佚往、以
夙儒名宿著作等身昔有藏稿遺

書而今悉付之賦氣一炬者霖誠惜之
 由是山川星野則因舊田賦戶口則因
 時秩官選舉則因人外此若公署壇
 廟凡徑廢毀而未及興修者則闕之
 抑又官此方與此方士大夫善後者之
 責也凡五閱月稿成命書人繕寫成帙

六安州志

卷首

序

五

呈送省局而告成焉都人士復謀之劑
 刷付梓於去秋迄今夏鐫板書成共
 析為若干卷而屬霖序霖自維謏陋極
 知僭踰猥以共襄此役獲與都人士聞
 揚保美蒐輯舊聞以備
 熙朝一統無外之規以彰

國家善俗宜民之盛其得謂非霖之
 幸乎批爰敘願巔末並誌歲月於簡
 端時同治十有一年歲在壬申夏季
 教諭銜管六安直隸州訓導事涇
 上吳康霖謹敘



六安州志

卷首

序

六

喻序

六安往無志頃歲志之志而未成也成於南嶽來守六
之明年先是甲寅春南嶽始奉命抵其境載瞻諸鎮流
盼山川周察形勝遂作而歎曰美哉山川之固畿輔之
雄也既入其治莅其署按厥州譜邇厥疆域復作而歎
曰美哉翼翼乎夏封之舊也明日謁學宮編祀典諷風
俗訪人才求忠義以事神人又明日視城池繕武備考
食貨以稽兵食又既閒覽藝文以存表章按職制徵循
良以觀尙友辨分野察祲祥以興民事覈厥庶典咸既

六安州志

喻序

一

乃心卽有曠墜詢諸僑眾僉曰諸苟完無已郡史闕乎
南嶽惻然用懼亟請諸鄉先生耶公次臯潘公萬渠二
公乃不鄙進之曰往六志伊始越湖邵公而未備繼事
木山鄧公而未成都厥美用底乃績是在大夫南嶽再
拜謝既授冊載讀之咸厥書質諸始覽罔不協彬彬乎
成典也犁然就緒矣復再拜曰南嶽何幸際茲盛美也
往大夫暨二君徼福於南嶽腆矣敢不敬承之遂謀諸
同寅陳君邦寵暨幕君張子賚各捐俸命書史書圖史
圖梓人梓三越月告成焉返命二君二君曰大夫盍弁

辭哉南嶽謝不敏已乃言曰今之志古史也今之州郡

古侯國也古者列國皆有史自乘檣杌國語先後春秋
作而史繁自遷史上達諸古初固史斷自漢紀以著代
而志始專史家之一目嗣是郡縣皆得以專志者史之
餘也凡山川人物風俗政教係焉述往以昭來也存制
以經政也顧爲典亦重矣雖然未志忠弗文之既志患
弗行之是志也公而明精而核華而不紕有聖人之心
哉往大夫既二君其選矣後有作者不可尙已顧職守
是官南嶽庸無懼哉何也山川志矣形勝志矣守維艱

六安州志

喻序

二

也州譜志矣公署志矣疆域志矣政維艱也祀典學校
志矣風俗人才志矣神人之和維艱也城池武備志矣
食貨志矣兵食之足維艱也志天文祲祥曷以感通之
志藝文曷以表章之志職制循良曷以踵承之故曰志
也者制之存也政之經也凡以責之職守也否則封域
古矣不稱於今茲文事具矣或虧乎政本往哲盛矣罔
昭乎來賢無志也亦無政也無政也亦無志也諸執事
其何以匡不逮無俾爲是志蓋乃二君復惠顧曰雖無
老成人尙有典型是之謂矣願大夫無忘茲厥志遂再

拜請書之用以自詔亦以詔來者

嘉靖三十四年歲次乙卯中秋日

賜進士出身奉直大夫知六安州事新建喻南嶽頓首書

李序

余被命來六詢風考政周覽山川進博士弟子員於庭圖所以興廢舉墜釐弊飭紀以嗣臯陶之音奏明允之績以贊我國家樸棫右文之化效臣子稱塞萬分之一者懼於不敏蚤作夜思蓋三年於茲矣幸封內無水旱

六安州志

李序

三

疾疫之災無盜賊微發之警民力田疾作輸納以時庶幾人給家足余亦藉是苟免無罰斯皆道化之翔洽太和之漸被猗歎休哉夫奉天子之德意勞來不倦令民無天傷物無疵蠶者有司之職也際熙明之運被翔洽之澤而不能歌咏盛德發抒廟謨成一方之典章為當世所快觀者亦諸文學之羞也乃謀諸鄉先生暨諸博士弟子員取舊郡志而參閱之則或條序失次或蒐求罔真缺者宜補後者宜續諸如此類非亟為改圖使曠然易砥亦一郡之闕典有司與文學均有責焉維時共

殫厥心稽成憲詢老成考圖經訪遺佚參互考訂凡四

閱月而新志成焉余乃得竦意覽之作而歎曰是六州

乃南都之支郡而南都又京師之陪輔也皇朝一統之

盛度越千古載籍所未睹者安用此彈丸者為也然古

者列國有史以為始於春秋非也今郡邑有志亦國史

之舊者夫太史氏紀其綱郡縣志其詳辟衣之有祛不

祛非完衣也人之有眉目毛髮不眉目毛髮非完人也

則是志亦未可少者吾以為志有五善焉為政者知其

務觀風者采其俗作史者覈其實立言者綴其文尚友

六安州志

李序

四

者論其世夫古今異宜得失異軌吾以此觀政則因革損益輕重緩急斟酌之弛之張之要以使民厚生用利而德正則一按籍而方畧具矣夫俗奢示以儉儉示以禮豈惟天下然哉昔賈生薄俗吏謂使天下回心而嚮道非俗吏之所能為夫吏誠觀風采俗風之以道德先之以孝弟民其有不相視顧化者吾未之間也夫史垂鑒戒紀實錄豈不欲燭及幽隱采及奧潔哉今無論其顯者即窮閭下戶一行可稱一節可述必書其名氏邑里之所在而否德者雖貴多資無取焉則華袞鉄鉞

圓炳炳然在也夫自昔名公偉人詩客文士其華章疏什至巨麗也以闢聖真則見知者揚其休以贊皇猷則謨明者昭其烈姑勿論已其它商推理道發行性靈翊風教關民瘼彰國典煥人文何言人人殊而代不乏也夫高山仰止景行行止吾人誦法孔氏而邇厥所自非唐虞一廷授受哉則適種德者士師也至夫仗節死義以身殉社稷者讀其書想見其人猶凜然有生氣吾以此思忠而何職業之弗就也至夫終身孺慕篤愛因心甚者刳股廬墓雖非中庸而至誠所感猶足動鬼神乎

六安州志

李序

五

草木吾以此思孝而何名行之弗全也至夫貞女嫠婦或從容而身名俱全或慷慨而貞節不虧剛烈逾於男子而風概比之古人吾以此思節又何綱常之不可負而肩也至夫一節一行集之以大成文之以禮樂即聖賢可學君子猶有取焉然則茲志也雖無當於政不可謂非政之一事也雖無當於史不可謂非史之一義也且也聖治方新和氣充塞將天示其精地效其靈人發其秘於以光照典冊輝映後先又非是編所能盡者將大書特書不一書其尙俟之來哲云

萬歷十二年甲中秋七月朔溫陵李懋檜書

王序

六封肇於夏六安之名起於漢而爲州則始于元其有志也初成於嘉靖間州守喻南嶽重修於萬歷間州守李懋檜也

今上御極之十二年用閣臣請將修大一統之書

勅取天下志前守吳世顯奉行彙集忽值逆藩傳變羽

書旁午斯舉因以中止丙辰冬善奉

命知州事履虞士師之世守而想慕其餘休意必有與

六安州志

王序

六

高山流水並承於方策間者爰諮於薦紳博士求所謂六安州志則藁矣而未就也至勝朝紀載已盡流氛一炬中惟徐考功會得一部於邗江書肆爲今日徵信之資然披覽之際期以光大典示來茲者殊多遺憾夫帝王以一代之事考鏡治理而有史州郡以一方之事據證古今而有志志與史分體而合用者也六自仲甄錫土沿及歷代運會屢更雖頗見於史傳而專乘之學故無聞至明中葉始搜羅志之啟正以降寇殲兵闕幾無遺子何有於志幸哉

朝定鼎綏又保育之有加垂四十年得有今日是必有
改觀之志以裒敘軼蹟闡揚盛軌乃前此之遺編既未
全備後此之草創復未精詳或者州志之成也有數待
其時而責其人與善不敏將詢老成括散失筮吉而從
事焉顧一歲軍工興再歲秋歉告三歲煖焚終烈赤地
無禾方在拮据勿遑賑救恐後而何暇於志庚申秋百
穀雖登民困未甦有司之况瘁未定適史館承

六安州志

王序

七

掌之餘謬加參訂授之剗刷今而後志庶幾成矣竊念
所以潤澤斯志者猶不易也在昔臯陶陳謨迪德慎修
惠以安民及其苗裔以德之不建民之無援地遂入於
楚然則治六者前鑒其不遠哉試觀州之農胼手胼足
艱食其咨而豪猾多圖兼併其尙寬而粟乎州之俗孺
子顛愚輕違禁令而菁莪械樸大雅蔚然其尙直而溫
乎州之訟呼暴雜還誣蠹株連而詭隨不戒懼蹈官邪
其尙簡而廉乎今

聖天子翁受於上天工人代居其職者當思日宣三德

以安其民俾群徵協應疆野教宣俗與化移物借時茂
田疇盡闢生齒日繁禮教益修人文益振以至城垣學
校廨舍祠宇無不益整有廢斯興有弊斯革豈非以臯
陶之治治六而播邁種之餘休於不墜所爲潤澤斯志
者意如是乎善以薄德忝承其乏日祇勵而未逮于志
觀厥成於心實滋愧也特書之簡端以致儆焉崑
康熙二十年歲次辛酉三月吉旦

王序

六安州志

王序

八

今天下又安遐方絕徼罔不率服邳隆之治無以復加
矣適

翠華南幸周行郡國誠以留心民瘼所當因革損益者
無不令悉陳之於前仍命有司博咨故實以成一統之
書皇哉成功文章之並美也廷會承乏州寄數載於茲
嘗取六之往牒觀之不禁慨然歎曰古語有之不習爲
吏視已成事夫已事之無稽其若掌故何何政令之爲
也郡國之有志原本周官擇人小史之義大都倣自班
氏而義例悉祖六經是故疆域憲諸禹貢法制準乎周

官風俗寓五禮之修褒貶竊春秋之旨所以藉往蹟以鏡來業不僅屬之具文也 廷會 昔宰義烏纂輯邑乘咸本遷固史家遺意務在求治化之原發古今之覆更取前人文集可爲要典者附入之期無一事之不確無一善之不彰而後已而於六安有難言者網羅未備文獻闕如掛漏遺譏浮夸失實以求備當代之掌故不幾難乎蓋六爲揚州之域肇自夏封控英霍接蕪黃扼吳楚連淮蔡旣屬名州亦稱巖邑往者流氛屢犯廬井蕩然前志修于吳君世顯嗣修于王君所善闕紀載者迄今

六安州志

王序

九

十八載矣余承其後雖山川星野依然無改而時移事異其間戶口之耗者稍殷矣田野之荒者日闕矣風俗之澆漓仕宦之登進亦月異而歲不同矣可等於茫茫墜緒乎 廷會 自守六以來卽欲進州之人士蒐討斯典以諸務未能肅給姑少俟之今幸百度漸舉事理訟平適值府憲古燕張公編纂府乘成爰檄各屬以次舉行余因萃州之紳士博採野謀廣據遺逸凡山川歲時物產等類無煩更定至風俗以辨人心經制以昭憲典賦稅以資國用以及宦蹟人物之騰聲詩賦藝文之嗣響

十有八年之間紛綸葳蕤俱宜詳加纂定依次補葺然與其繁也甯簡與其濫也甯核甯峻拒以招尤毋博收以掠美凡今之異於古與今之繼乎古者或因綱以總敘或逐目以條疏折衷羣言訂以獨斷期於傳信而止顧志與史亦微有異者史則美惡兼綜志惟揚推善蹟故凡兵燹屠戮之慘僅錄之雜記以紀一時之事不別爲一卷閱半載而告成以貽後之司土者庶幾念山邑之凋敝恒多建設之經營不易賦稅無容繭絲人才勿致零落無胥虐無胥戕有以養有以教其更化之一機

六安州志

王序

十

乎爰付之剞劂以垂永久云

康熙三十八年歲次己卯余月穀旦

誥授奉直大夫江南廬州府六安州知州加二級會稽

王廷會題

李序

皇上御極之二年允封疆重臣請置直隸州任比郡守

丙午冬懋仁隨班領選

皇上命各陳居官吏治懋仁謹以清遵裕課靖盜安民

敬獄息訟三事奏對稱